

湖南褒忠錄初稿

湖南褒忠錄初稟

殉陣一

謚忠節贈布政使銜甯紹台道羅澤南

從九鍾近衡鍾近濂王嶽峰

附

湖南茶峒開南縣學憲章

羅澤南字仲嶽湘鄉人所居地有羅山因以爲號家貧刻苦讀書篤志正學年三十餘補縣學生故雲貴總制賀長齡太常卿唐鑑皆慕重之與商講論尤以行誼爲鄉里推服咸豐元年詔舉孝廉方正湘鄉令朱孫詒以澤南應時謂無媿特舉三年廣西金田賊竄據道州連陷桂陽嘉禾安仁茶陵醴陵遂薄長沙湘鄉令屬澤南團練鄉勇爲邑東防會城圍解巡撫張亮基檄帶練勇赴會城會在籍侍郎曾國藩奉

朝命督辦團防適江西上猶土匪竄入桂東國藩令澤南馳往
勦辦行次衡山平草市土匪擒首惡劉積厚龍念士等三十餘
人斬之會同諸軍進擊桂東賊賊悉遁還江西金陵賊分犯南
昌隨道員夏廷樾知府朱孫詒往援而太和土匪陷城及安福
圍攻吉安澤南與訓導劉長佑同往賊遁澤南分途追勦安福
入其城日夕賊猝至拒卻之明日復至迎擊之殺賊數百餘黨
潰入永新蓮花廳焚擾上坪司天河東坑地方澤南率李續賓
後先馳往天河合勦大捷餘匪竄擾湖南茶攸間南撫駱秉章
檄澤南還會勦值永興土匪盤踞油榨墟團防大臣曾國藩時
治師衡州檄澤南往破之又遣續賓破燬梁園八股全賊巢畱

續賓駐郴防守而自率所部回衡州始澤南以三百餘人破安
福賊數千至是團防大臣將統軍東下以衡永郴桂屬邑匪徒
起滅無常當畱重軍剿捕檄澤南增募勇丁所部始及千人卓
市土匪王大漢聚眾復起賊巡司魯正義澤南率軍搗賊巢大
漢竄逸至攸捕斬之四年三月賊自長江上犯由長沙靖港繞
甯鄉陷湘潭我師水陸夾攻賊大敗潰退據岳州澤南時奉檄
捕剿湘潭土匪旋隨提督塔齊布會師東下六月進軍岳州獨
率所部扼大橋湖拒賊賊來犯敗之追至九塘嶺斃賊千餘賊
悉踞高橋澤南與塔齊布同擊之大戰連日夜聞七月二日澤
南率中營出九塘嶺右營出九塘東左營出大橋東擊破高橋

賊九營賊退踞城陵磯乘勝進擊又破其三營賊悉退而下十七日我軍敗賊長安驛賊退扼羊樓崗於兩山隘口跨溪水立營高數丈澤南分軍爲三左右出者拔藤援石以上分抄賊尾而大軍由中路蹋破賊營賊退據佛嶺嶺爲羊樓赴崇陽間道地尤險隘塔齊布遣都司普承堯來援澤南率師緣嶺西諸山而上令承堯由嶺東蕭啓江由嶺北皆冒險前進破其營自是險隘皆爲我軍所奪進紮虎爪市連破桂橋大沙坪賊壘賊悉回竄崇陽澤南乃率軍收咸甯直趨武昌賊悉崇陽興國之眾上趨金牛以阻官軍迎擊敗之遂進駐江夏之紫坊初督師曾國藩自城陵磯約水陸諸軍會於紫坊八月二十日國藩召諸

將議攻武昌機宜澤南出所繪圖言紫坊出武昌有二道一出
洪山大路一沿江出花園賊精銳所聚洪山前臨堅城仰攻不
下花園賊將襲我後今當以重兵剿花園而分兵出洪山以防
反竄諸將未決澤南請身任之遂率諸軍出花園是時花園悍
賊萬餘立營三一枕大江一瀕青林湖一跨長隄營外爲長壕
引水灌注樹木爲柵鎗礮排列二十一日我師由金口進駐阿
婆嶺水師亦至賊從江邊營開巨礮拒之各軍伏地以進李續
賓先破江邊營澤南攻湖邊營分軍先擊舟賊之旁出者舟賊
退營賊亦亂軍士乘勢踰壕而進中路各軍亦撲入隄上營花
園賊壘同時燒燬二十二日進擊破鮎魚套賊賊竄洪山爲塔

齊布截殺城中賊奪氣是夕盡出其精銳以遁翼日城破漢陽賊亦棄城遁至是武漢兩城皆復九月進攻興國復其城塔齊布亦克武昌大冶會師興國規取田家鎮鎮居大江北岸與半壁山斜對如門戶先時官軍曾設防以蔽上游尋陷於賊賊更爲鐵纜以截水軍而屯重軍半壁夾江以守十月朔澤南出搗半壁山營馬嶺均賊數千人來犯澤南匹馬衝陣軍士皆冒死隨進賊大奔趨舟又蹙之多墜水死初四日塔齊布軍造浮橋以渡小江賊遏之方急戰澤南令諸軍堅持不動度賊銳竭突起夾攻賊大潰悉奔半壁山舊營是山壁立江濱後路一綫我軍先奪之賊還竄不得斬殺幾盡水師亦蔽江下斫斷橫江鐵

纜賊舟四千餘悉被焚燒夜半火光照耀數十里田鎮賊亦焚營遁去十月二十日澤南同塔齊布克復廣濟十一月朔復黃梅進次白湖港敗悍賊羅大綱賊盡撤沿江各營併力守九江矣澤南從小池口渡江營大東門外四里坡賊城中靜若無人及官軍薄城則旂舉礮發會帥會各軍議謂城不可速攻當先絕外援乃以塔齊布圍九江澤南移駐盍山時帥軍水師擊燒湖口賊船游奕入於彭蠡外江惟存輜重大船無小船防護賊潛以小划載薪延燒及於帥舟水師驚潰澤南營官脾夾自是北岸賊復猖獗由黃梅廣濟上陷蘄黃漢陽湖北各軍退屯沌口武昌復陷五年正月澤南連攻九江城賊不出而皖南賊分

股趨浮梁陷饒州時統帥駐南昌檄澤南援饒賊已進陷弋陽
澤南馳至南呂籌方略卽東趨貴溪分所部爲三營以李續賓
將左蔣益澧將右而自督中營唐訓方率常甯勇從之三月二
十日破賊五里亭明日進克其城賊奔德興樂平別股自婺源
來趨興安謀合弋陽賊聞敗急趨廣信澤南躡追則賊已陷廣
信據之明日進軍城西之烏石山營於山下令續賓營山左訓
方益澧營山右翼日賊分三路出迎我軍列陣以待賊見我軍
盛而整不敢前相持兩時許忽起乘賊大敗之會大雨城上礮
不能施官軍四面薄城賊啓東門遁初賊驟至居民不及徙避
殺戮甚慘澤南至三日復其城斃賊多士民歡舞所至皆焚香

迎拜而弋陽敗賊復擾樂平德興間四月十五日澤南追賊至德興復其城弋陽廣信兩股又合據浮梁之景德鎮五月二日澤南引軍至而賊遁遂率全軍赴援義甯先是崇陽股匪攻陷義甯州城江西以都司吳錫光往援錫光驍勇江省所恃至則全軍皆殲統帥檄澤南回駐南昌以衛根本議者又以方攻都昌宜合小陸之師駛出湖口澤南謂當急攻義甯爲規復武漢之本請先以自効七月五日由梁口入義甯境沿路擊賊越日進駐棋盤嶺得州舉人李炎爲嚮導知賊聚兵拒杭口而鼇嶺道險備少明日聲言進攻杭口而令諸軍從間道徑趨鼇嶺擊斃守賊百餘卽營嶺上鼇嶺距州西門七里澤南令諸軍分屯

嶺左右而自駐中峰其前峰尤高建望樓其上賊蹤歷歷可指地勢險絕賊深忌之十四日賊以五鼓襲擊官軍澤南戒諸軍伏營勿出賊恃其眾直薄營前我軍始整隊大呼而出分途截擊以二千餘眾破賊六七千人次日澤南率諸將薄城賊於西門路兩山交會處設卡三重橫跨溪上千人守之官軍乘勢前進緣山下擊之所設卡盡破追至西門悉焚江邊賊壘其夕賊棄城遁初澤南至南昌會議力主規復武漢義甯旣復乃上書統帥大臣國藩曰武昌爲東南數省之關鍵九江爲江西之門戶今兩地尙爲賊據崇通一帶羣盜出沒江西之武甯義甯湖南之平江臨湘均無安枕之日欲制九江之命必由武漢而下

欲解武昌之圍必由崇通而入國藩因奏令澤南回援武漢以彭三元普承堯所部寶勇隸之九月五日進次通城東南山下敗崇陽桂口屯賊之來援者斬其將三人明日遂入通城賊遁去十一日進攻崇陽之桂口賊聞官軍至悉竄崇陽蓋賊之擾義甯崇通間者雖數萬眾本皆各縣土匪及裹脅之徒澤南軍精故不敢當戰澤南遂進次崇陽偪賊壘半里爲營賊急出數千人來攻皆敗入城賊又以千餘人出城掘修壕溝澤南沿江審視聞城內人聲沸騰顧左右曰賊將遁矣佯示堅守耳急令派分數十隊暗伏兩岸要隘俄而賊遁伏兵截殺千餘人餘賊悉竄蒲圻是時江忠濟兵敗死羊樓澤南恐賊上犯岳州令李

續賓劉蓉蔣益澧唐訓方普承堯各以所部駐羊樓之西而自與彭三元李杏春暫駐崇陽彈壓崇陽人言僞總制楊萬年踞距城三十里之梯木山遂令三元杏春由塘泥嶺進攻因有壕頭堡之敗三元杏春死之語在三元傳自是澤南中營僅存三百餘人卽夕馳赴羊樓與諸軍會招集潰勇訊知哨長先逃者一臨陣棄主將不救護者二皆斬以徇賊聞官軍敗謀急躡之適韋逆至蒲圻合石逆大股及崇陽敗賊徑趨羊樓我軍負憤截殺賊大敗軍氣復振十月三日復敗賊於小石山於是調淥溪口官兵三千二百同進攻蒲圻踞鐵山俯臨城西北隅日出誘賊賊不動二十一日眾軍分攻賊壘皆攀援而上多傷諸軍

據險休息相與誓曰賊勢甚張必破此壘而後已劉蓉弟蕃督
卒馳下坡隴直薄賊柵中礮而斃諸軍各挾柴草縱火賊亂乃
奪柵以入環城壘卡皆破續賓夜以百餘人踞雞冠山頂驚擾
之賊悉從北門出竄蒲圻復進復咸甯至是武昌以南諸城皆
無賊蹤而石逆自崇陽乘虛入義甯江西賊勢日劇矣十一月
十七日澤南進駐紫坊與湖北巡撫胡林翼大營會合又往會
提督楊載福於金口商進剿機宜遂與林翼分路進兵澤南率
湘勇三營從東路駐營隄上令九溪營兵營金口爲犄角兼護水師
中路出城南駐營隄上令九溪營兵營金口爲犄角兼護水師
時賊於武勝門望山門中和門小東門外遍築壘及礮臺澤南

方修壘問林翼隄上師適至賊遽集白沙洲八步街諸壘賊二萬餘人從十字街出林翼揮軍搦戰澤南乃與續賓疾馳至賽湖隄邊承堯訓方見湘勇援至卽佯敗反旂而走賊不虞澤南乘其後縱追官軍承堯等回旂迎擊澤南已抄出壘北縱火焚燒破其十字街壘附城大小數壘賊亦敗遂毀其壘澤南與諸將議曰西路入步街口爲我陸軍通江要路不破其壘則我之軍糧無由達北路塘角爲賊通興大要路不破其壘則賊之軍糧無由斷十二月二日造浮橋於鮎魚套初六日林翼攻城西北澤南攻城西南賊礮臺踞蛇山脊我軍乘間燒其火藥初十日攻塘角賊壘焚漢陽門外船廠殺千餘人城賊由竇出截我

後路澤南與續賓夾擊之復殺數百人賊乘夜於望山門外修石壘二十八日林翼令中路蹋破前壘賊復加修築高與城等二十三日續賓出窑灣百眼橋截賊饒道賊七八千由塘角小龜山沿湖下抄其後澤南與騰鴻益澧夾攻之殺賊千餘賊自此擁城不敢出六年正月澤南移營洪山絕頂後有各營仍駐南岡爲犄角屢敗賊於漢陽門小龜山等處窑灣爲賊陸路饒道在沙湖尾湖水所經建石壩以通江隄澤南欲分軍駐其地截之率數百人親往相度賊從武勝門出直逼隄下澤南見隄廣不便與戰退駐港左伏鎗礮百餘於低窪令軍士反走賊追至壩伏發回旂擊之各路援兵亦至賊大敗潰二十三日復敗